

四庫全書

經部

欽定四庫全書

經部

六家詩名物疏卷

二十九
三十

詳校官監察御史臣沈孫璉

通政使司副使臣莫瞻某覆勘

總校官中書臣朱 鈐

校對官助教臣黃昌禔

謄錄監生臣孫國鑑

欽定四庫全書

六家詩名物疏卷二十九 明 馮復京 撰

國風豳一

豳

釋文云豳者戎狄之地名夏道衰后稷之曾孫公劉自
邠而出居焉其封域在雍州岐山之北原隰之野于漢
屬右扶風邠邑○韋昭云豳西近戎北近狄○郡縣志
古豳城在邠州三水縣西三十里公劉始都之處○國

名記云邠本谷名○一統志陝西西安府邠州古西戎地公劉所居爲豳國淳化縣在州城東二百里三水廢縣在縣西乾州永壽縣古邠國地邠州今有古公鄉

七月篇上

褐

傳云褐毛布○說文云編帛韞一曰粗衣○左傳云旨酒一盛兮余與褐之父睨之注云褐寒賤之人

耜

說文云耜耒端木也耒手耕曲木也垂作耒耜以振民
○釋名云耜齒也似齒之斷物也○易曰神農氏作斲
木爲耜揉木爲耒耒耜之利萬民以濟蓋取諸益○夏
小正云正月農緯厥耒緯束也束其耒云爾○月令云
季冬命農計耦耕事脩耒耜具田器孟春天子躬耕帝
籍○考工記匠人耜廣五寸二耜爲耦車人爲耒庇長
尺有一寸中直者三尺有三寸上句者二尺有二寸自
其庇緣其外以至于首以弦其內六尺有六寸與步相

中也堅地欲直庇柔地欲勾庇直庇則利推勾庇則利發倨勾磬折謂之中地疏云耜謂耒頭金庇耒下前曲接耜者也古法耒下惟一金不岐頭○韓詩云三月之時可預取耒耜脩繕之至于四月始可舉足而耕也○古史考曰神農作耒耜○世本曰鯀作耒耜○國語曰周制有曰民無縣耜野無輿草○呂氏春秋曰六尺之耜所以成畝其下八寸所以成畝○羅中行云耜耒下耒也廣五寸耒耜上勾木也耜古以木爲之易曰斲木

爲耜揉木爲耒亦以金爲之周禮注古者耜一金兩人併發之

饁

釋詁云饁饋也孫炎云饁野之饋也

畝

王制云方百里者爲田九十億畝山陵林麓川澤溝瀆城郭宮室塗巷三分去一其餘六十億畝古者以周尺八尺爲步今以周尺六尺四寸爲步古者百畝當今東

田百四十六畝三十步古者百里當今百二十一里六十步四尺二寸二分○司馬法云六尺爲步步百爲畝畝百爲夫○禮記疏云步百爲畝是長一百步濶一步畝百爲夫是一頃也長濶一百步夫三爲屋是三頃也濶二百步長一百步屋三爲井是九百畝也長濶一里○程正叔云古者百畝止當今之四十一畝今之百畝當古之二百五十畝

按畝即田之身也古之治田者雖有溝洫井田二法

不同然田之形體大抵因地勢水勢而爲之其在于東者謂之東田王制所云當今東田是也其在于南者謂之南畝詩屢云南畝鄭注遂人云以南畝圖之是也補傳大田解曰田事喜陽而惡陰東南向陽則茂盛西北傍陰則不實故信南山云南東其畝也朱子信南山傳云畝壟也書傳云終竟壟畝左傳注使壟畝東西行又云晉之伐齊循壟東行易是畝可以謂爲壟也漢書陳勝輟耕之壟上師古曰田中之高

處是正訓壟字朱子所云畝壟者只是今之田所謂若干畝非必其中之高處也長樂劉氏云遂東畝南遂南畝東正言順地勢及水所趨之事蓋于此方爲水道則于彼方爲田畝南東交互其勢宜然雖溝洫之法遂縱溝橫井田之法遂橫溝縱而其爲畝之制則相仿也朱公遷者元儒之荒陋者也其爲疏義有畝以防水之說今之學者遂爲所惑不知古有遂溝洫澮川以通水之流大小淺深以次相注自不至于

決溢有徑畛涂道路以通車徒之行而即在遂溝洫
澮川之上初不聞田之畔更有所謂畝以防水也若
然卻克欲使齊盡東其畝賓媚人責以無顧土宜何
不云不顧水防乎防水之丘計必不廣使其盡南亦
何礙于晉之戎車而必東其畝乎詩云南東其畝諸
書稱東田南畝無所謂西畝北畝豈非范氏喜陽惡
陰之說乎若用以防水則稱西畝北畝亦可矣所以
防水者周禮正謂之防稻人以防止水是也左傳薦

掩町原防注防隄也隄防間地不得方正如井田別爲小頃町稻人疏故以爲楚之惡地有防瀦之法南東其畝乃溝洫井田之定制又何有于防乎匠人爲防是稍溝之防非廣深四尺之溝有防也方氏注禮記引詩南東其畝而以廬之所向爲言可見古人並未嘗以畝爲防水之具矣若必因壟字而以爲丘壠之壟則書云曷敢不終朕畝孔安國云何敢不順天終竟我壟畝亦可得耕耨于水防之上乎孫毓駿箋

云大夫銜命巡司何爲就耕民公嫗壟畝之間飲食
又可謂此饁彼南畝爲餉在南邊水防之上者乎然
范氏云田喜陽惡陰未爲通論如黍宜燥稌宜濕正
左傳所謂土宜而古人只云南東者乃人道貴陽賤
陰之義耳非地道固然也陶潛云農人告予以春及
將有事于西疇則畝亦可云在西但晉人之言不應
經義苟如公遷之說又將以西疇爲西邊之防水者
矣

田畯

釋言云畯農夫也孫炎曰農夫田官也郭璞曰今之耆夫是也○傳云田畯田大夫疏云此官選俊人主田謂之田畯典農之大夫謂之農夫以王者尤重農事知其爵爲大夫也按鄭注周禮載師云六遂餘地自三百里外天子使大夫治之或于田農之時特命之主其事以周禮無田畯正職故直云田畯大夫春官籥章掌擊土鼓以樂田畯鄭司農云田畯古之先教田之官彼說祈

年之祭知爲祭先教者○甫田箋云田畯司嗇今之嗇夫也疏云郊特牲曰蜡之祭也主先嗇而祭司嗇也注云先嗇若神農司嗇若后稷蜡者爲田報祭故知祀此二人此言田畯乃是當時主稼之人故以司嗇言之與郊特牲名同實異

微行

傳云墻下徑也五畝之宅樹之以桑

公子

疏云諸侯之女稱公子○左傳雩講於梁氏女公子觀之○公羊傳羣公子之舍則以卑矣何休曰謂女公子也

萑詳見衛風蒹

埤雅云萑即今之荻一名蒹蒹萑之未秀者也

蠶

爾雅云蠶桑繭雉由樗繭棘繭欒繭虻蕭繭疏云此皆蠶類作繭者因所食葉而異其名也食桑葉作繭者名

蠶即今蠶也○周禮云內宰中春詔后帥內外命婦治蠶于北郊以爲祭服馬質禁原蠶者注云原再也天文辰爲馬蠶書蠶爲龍精月直大火則浴其種是蠶與馬同氣物莫能兩大禁再蠶者爲傷馬與○禮記月令云季春天子乃薦鞠衣于先帝命野虞毋伐桑柘具曲植籩筐后妃齋戒親東鄉躬桑禁婦女毋觀省婦使以勸蠶事蠶事既登分繭稱絲受功以共郊廟之服孟夏蠶事畢后妃獻繭乃收繭稅以桑爲均貴賤長幼如一以

給郊廟之服祭義云古者天子諸侯必有公桑蠶室近

川而爲之大昕之朝

季春朔旦

君皮弁素積卜三宫之夫人

世婦之吉者使入蠶于蠶室奉種浴于川桑于公桑風

戾而食之歲既單矣世婦獻繭于夫人夫人副禕而受

之及良日夫人繅三盆手遂布于三宫夫人世婦之吉

者使繅○春秋文耀鉤曰商弦絕蠶含絲○考異郵曰

蠶陽者火火惡水故食不飲桑者土之液木生火故蠶

以三月葉類會精合相食荀子云身女好而頭馬首

屢化而不壽善壯而拙老有父母而無牝牡冬伏而夏

游食桑而吐絲前亂而後治夏生而惡暑喜濕而惡雨

濕謂浴其種

蛹以爲母蛾以爲父三俯三起事乃大已

俯謂卧而

食不夫是之謂蠶理淮南子云黃帝元妃西陵氏始蠶

○仲長子昌言云蠶寒而餓之則引日多溫而飽之則

用日少此寒溫餓飽之爲脩短驗于物者也○嵇叔夜

云火蠶十八日寒蠶三十餘日○吳錄曰南陽郡一歲

蠶八績○林邑記曰九真郡蠶年八熟繭小輕薄絲弱

綿細○永嘉郡記曰永嘉有八輩蠶虬珍蠶三月績柘
蠶四月初績虬蠶四月績愛珍五月績愛蠶六月末績
寒珍七月末績四出蠶九月初績寒蠶十月績○廣志
曰有原蠶有冬蠶有野蠶有柞葉可以作綿○埤雅太
玄曰紅蠶緣于枯桑其繭不黃蓋二十七日蠶已老則
紅紅蠶以繭自衣亦或謂之室易林曰飢蠶作室是也
○雅翼云蠶之狀喙咄咄類馬色斑斑似虎初拂謂之
蚝以毛掃之蠶尚小不欲見露氣桑葉著懷中令煖然

後切之比至再眠常須三箔虛上下二箔以隔土障塵
飼必卷窗開幃飼訖還下蓋蠶昆蟲之類見明則食其
旋生駒皆與馬同老食而不飲三十六日而化淮南曰
二十二日而化亦有四眠者既老將績其口含絲獨成
繭者謂之獨繭自二以上謂之同功繭獨繭絲細而有
緒養蠶之室欲明而溫古者后妃享先蠶先蠶天駟也
漢舊儀曰今蠶神曰苑窳婦人寓氏公主凡二神

析

傳云斨方盞也疏云斨即斧也惟盞孔異耳○釋名云斨戕也所伐皆戕毀也

女桑

傳云萇桑也○釋木云女桑楸桑注今俗謂桑樹小而條長者爲女桑樹

鵙

箋云伯勞鳴將寒之候也五月則鳴豳地晚寒鳥物之候從其氣焉○爾雅云鵙伯勞也樊光曰春秋傳曰少

皞氏以鳥名官伯趙氏司至伯趙鵙也以夏至來冬至
去郭云似鵙鵙而大又云鵙鵙醜其飛也鵙疏云鵙竦
也不能翱翔遠飛但竦翅上下○大戴禮云五月鵙則
鳴鵙者百鵙也鳴者相命也○時訓解云芒種之日螳
螂生又五日鵙始鳴鵙不始鳴號令壅偪○易通卦驗云
搏勞性好單棲○楚詞云恐題鵙之先鳴使百草爲之
不芳○呂覽注云仲夏陰作於下陽發於上伯勞夏至
後應陰而殺蛇磔之於棘而鳴於上○惡鳥論云伯勞

以五月鳴應陰氣之動陽氣爲仁養陰爲殺殘賊伯勞
蓋賊害之鳥也其聲鵽鵽故以其音名也○類從云鵽
鳴在上蛇伏不動○禽經注云形似鸛鵒但鸛鵒喙黃
伯勞喙黑○楊用脩云性能擊搏鷹集于林則盤旋鳴
聒俟鷹飛輒擊之蜀中名駕鵽五更輒鳴不止至曙乃
息

玄

周禮云染人掌染絲帛凡染春暴練夏纁玄秋染夏冬

獻功注玄謂纁玄者謂始可染此色玄纁天地之色以爲祭服○考工記云天謂之玄三入爲纁五入爲緇七入爲緇注凡玄色者在緇緇之間其六入者與○毛氏云玄黑而有赤也

按玄黃朱爲公子裳者公子諸侯之子不必繼世爲君有爲大夫士者禮冕服玄衣纁裳玄端服有玄裳黃裳朱者深纁之色君大夫冕服之纁裳也玄裳者上士玄端服之裳也黃裳者中士玄端服之裳也玉

藻曰衣正色裳間色然黃正色而爲裳玄黑赤雜而爲衣則玉藻所云大畧言之耳孔氏疏云績麻爲布民自衣之玄黃之色施于祭服朱則爲公子裳蓋獨舉冕服之裳爲說矣殊不知古者深衣何嘗不用麻而玄黃亦以爲裳非獨施于祭服也

蔓

傳云蔓蔓草也○箋夏小正四月王萸秀蔓其是乎物成自秀蔓始○說文云詩曰四月秀蔓劉向說此味苦

苦蔓也

按蔓草毛公不云何物鄭疑爲王薺蔡邕月令章句
曰薺草名生于陵月令四月王瓜生鄭注云王瓜草
挈也今月令云王薺生夏小正云王薺秀未聞孰是
呂覽孟夏王善生注云善或作瓜瓠瓢也淮南子孟
夏王瓜生注云王瓜本草作茭萁然則鄭以王薺即
王瓜而又以王瓜爲茭萁也呂覽淮南高誘一家之
說而一以爲瓠瓢一以爲茭萁考之本草王瓜一名

土瓜生魯地平澤田野及人家垣牆間三月採陰乾
圖經云葉似枯樓圓無叉缺有刺如毛五月結黃花
花下結子如彈丸生青熟赤根似葛細而多糝均房
間人呼爲菟瓜爾雅曰黃菟瓜郭璞云似土瓜而土
瓜自謂之鉤藤姑蓋菟瓜別是一種也予謂本草明
言王瓜一名土瓜則二物小異實一種耳王蒔又是
一物蔡邕云生于陵本草云生田中葉青刺人有實
七月採陰乾且夏小正云王蒔秀月令云王瓜生定

非一也若栝樓自是果羸之實拔萳自在草部中品之上陶隱居云鄭玄以王瓜爲拔萳殊爲謬矣曹氏則以爲藥草之遠志據爾雅有云萋繞棘萳郭璞曰今遠志也似麻黃赤花葉銳而黃其上謂之小草本草云遠志味苦一名棘菀一名萋繞一名細草四月採根葉陰乾圖經云根黃色形如蒿苗名小草似麻黃而青又如華豆葉亦有似大青而小者三月開花白色泗州出者花紅根葉俱大于他處商州者根黑

色曹氏以萋繞之名偶涉于萋又味苦合于劉向之說故定爲遠志嚴氏亦從之然不榮而實謂之秀遠志有花則不得云秀矣且本草但言四月採根葉不云採實也或曰黍稷有華亦可曰秀若然則秀是吐華萋繞花又以三月開不以四月曹氏所見未必果核若從鄭氏以爲王荳則實以七月採以爲王瓜則王瓜亦有花五月方開花下結子亦不得以四月秀也朱子闕而不說良亦有以唐山夫人歌云豐草萋

圻母以爲孔罇而生○周禮以旁鳴者注蜩蜋屬○夏小正云五月塘蜩鳴塘蜩鳴者蜎也七月寒蟬鳴蟬也者蜎蜎也○本草蚱蟬生楊柳上五月採蒸乾之陶隱居云蚱即是瘧蟬雌蟬也不能鳴者蟬類甚多莊子云蟬蛄不知春秋則是今四月五月小紫青色者而離騷云蟬蛄鳴兮啾啾歲莫兮不自聊此乃寒蟬耳九月十月中鳴甚淒急又二月中便鳴者名蟬母似寒蟬而小七月八月鳴者名蜎蜎色青今此云生楊柳樹上是詩

云鳴蜩嘒嘒者形大而黑偃僂丈人掇此昔人噉之故
禮有蜩范蟬有綏亦謂此此蜩五月便鳴俗云五月不
鳴嬰兒多災蘇恭云蚱蟬即鳴蟬也○易通卦驗云姤
上九候蟬始鳴不鳴國多妖言蟬應期鳴古語之象今
失節不鳴鳴則失時故多妖言○援神契云蟬無力故
不食○周書曰夏至又五日蜩始鳴不鳴貴臣放逸立
秋之日寒蜩鳴不鳴人臣不力爭○淮南子云蛇不足
而行魚無耳而聽蟬無口而鳴自然者也又云蟬飲而

不食三十日而化○論衡云蟬生于復育開背而出○
徐廣車服雜注云侍臣加貂蟬者取其清高飲露而不
食○陸雲寒蟬賦云頭上有綏則其文也含氣飲露則
其清也黍稷不享則其廉也處不巢居則其儉也應候
守常則其信也加以冠冕取其容也○段柯古云蟬未
脫時名復育相傳言蛭蛻所化韋朶嘗冬中掘樹根見
復育附于朽處怪之村人言蟬固朽木所化也朶因剖
視腹中猶實爛木

按蜩之類多蜩與蟬其總號也其名隨方土所稱最多參錯此五月鳴蜩即蜋蜩蜩也夏小正傳曰蜋蜩者五采具蜩蜩者蜋郭云蜩蜩俗呼胡蟬江南謂之蜩蜩是也舍人注爾雅曰蜋蜩蜩皆蟬也方語不同三輔以西爲蜩梁宋以東謂蜩爲蜋楚地謂之蜩蜩楚辭云蜩蜩鳴兮啾啾者也方言亦云蟬楚謂之蜩宋衛謂之蜩蜩陳鄭謂之蜋蜩秦晉謂之蟬海岱謂之蜩舍人揚雄俱以蜩蜩蜋蜩爲一物大雅蕩

篇云如蜩如蟬不得爲一也舍人所云螻蛄者有二種莊子稱不知春秋者夏蟲小紫青色者也楚辭稱其鳴啾啾者爾雅所謂蜉蝣蟪蛄也方言云蜉蝣齊謂蜉蛄楚謂螻蛄或謂蜉蛄秦謂蜉蛄自關而東謂蜉蛄或謂蜉蛄或謂蜉蛄廣雅云螻蛄蜉蛄是也莊子音義及陶隱居以爲螻蛄即寒蟬非也風土記云螻蛄鳴于朝寒蟬鳴于夕郭注爾雅蜉蛄寒蟬云寒蟬也引月令寒蟬鳴方言云黑而赤者謂之蜉蛄謂之

寒蜩寒蜩者瘖蜩也郭以月令云寒蜩鳴知寒蜩不瘖據以難子雲不知寒蟬即今瘖蟬瘖蟬初瘖得寒露冷風乃鳴方言原其始故謂之瘖蜩耳然陶貞白所云啞蟬自是雌蟬不能鳴者非此寒蜩也陸璣如蜩如蟬疏云蟬一名蛸螳青徐人謂之蜩螗其失與舍人同蝸馬蜩景純以爲蜩中最大者本草圖經以此爲詩之鳴蜩不必爾也馬蜩特娘蜩蟬蜩中之猶大者耳蝸蜻蜻即詩之所謂螭揚雄云雌蜻謂之足

者也蠶茅蜩揚雄謂之麥蜚郭璞云江東呼茅蠶關
西呼麥蠶蟬之小者也古今注蟬一名王女而諸類
總謂之蟬爲其變化而禪亦以舍卑穢趨高潔其禪
足道也

貉

字林云貉似狐善睡其子名貆又云貉貍類貍謂之貍
○郭璞云貉雌者名貍今江東呼貉爲貍貍○淮南子
曰螳知爲埴貉貉爲曲穴虎豹有茂草陰以防雨景以

蔽日此亦鳥獸之所以智也○考工記云貉踰汶則死此地氣然也○詩義問云狐之類貉貓狸也○埤雅云俗云貉貉同穴而異處貉之出入以貉爲導詩曰一之日于貉取彼狐狸爲公子裘言往祭裘貉因取狐狸之皮爲裘故傳云于貉謂取狐狸皮周官祭表貉是也○雅翼云貉善睡之獸畜而養之扣之即卧已而復寐亦善捕○疏云禮無貉裘惟孔子狐貉以居明貉賤也

按貉狐狸三獸名箋云搏貉自爲裘狐狸以供尊者

其辨甚明朱傳云貉狐狸也何混若此

狸

爾雅云狸子隸○字林云狸伏獸似貍○本草狸骨肉療諸症心腹痛走無常處及鼠瘻惡瘡頭骨尤良圖經云狸類甚多似虎斑文者可用猫斑者不佳南方有一種香狸人以作鱠其氣甚香微有麝氣邕州已南又有風狸似兔而短多棲息高木候風吹過他木衍義云狸骨形類猫其文有二一如連錢一如虎文肉味與狐不

相遠江南一種牛尾狸其尾如牛人多糟食未聞入藥
○埤雅云狸豸在里者里人所居也狸穴而薶焉故狸
又通于薶字狸之伺物卑身而伏以候教者似驅而小
文彩異于獐貉大射以狸步張三侯鄭氏云狸善搏者
也行則止而擬度其發必獲是以侯道取象焉狐善疑
貉善擬不可以有爲故古者以爲燕居之裘齊東郭書
衣狸製是也狸狐獐貉性一也其跡皆爪而不速○雅
翼云狐口銳而尾大狸口方而身文黃黑彬彬蓋次于

豹○禮曰狸首之斑然又曰狸去正脊狐去首○太玄
經云辨人狸別其文萃也○魏志管輅云雖有爪牙微
而不彊雖有文章蔚而不明其名曰狸○淮南子云狸
頭似鼠以類推也○異物志云靈狸一體自爲夫婦故
能媚人○子思子曰謂狐爲狸者非直不知狸也勿得
狐復失狸者也○徐廣封禪書注云狸一名不來

六家詩名物疏卷二十九

欽定四庫全書

六家詩名物疏卷三十

明 馮復京 撰

國風豳二

七月篇下

股

說文髀也○釋名云股固也爲強固也

莎雞

爾雅云翰天雞樊光曰小蟲黑身赤頭李巡曰一名酸

雞郭璞曰一名莎雞一名樗雞○陸疏云如蝗而斑色毛翅數重其翅正赤六月中飛而振羽索索作聲幽州人謂之蒲錯○本草樗雞生河內樗樹上七月採蘇恭云五色具者爲雄青黑質白斑者是雌圖經云今所謂莎雞亦生樗木上六月後出飛而振羽作聲人或畜之樊中但頭方腹大翅羽外青內紅而身不黑頭不赤此殊不類惟在樗木上人呼紅娘子者頭翅皆赤乃如舊說然不名莎雞疑古今之稱不同耳衍義云樗雞東西

京都尤多形類蠶蛾但頭足微黑翅兩重外一重灰色
下一重深紅五色皆具腹大○廣志云莎雞似蠶蛾而
五色亦曰雙雞○古今注云莎雞一名促織一名蟋蟀
促織謂鳴聲如急織絡緯謂其鳴聲如紡績也一曰促
機一曰紡緯○埤雅云俗云絡緯雄鳴于上風雌鳴于
下風而風化○雅翼云莎雞頭小而羽大有青褐兩種
一名絡緯今人謂之絡絲娘小兒亦養之夜聽其聲能
食瓜莧之屬莎雞與絡緯是一物蟋蟀與促織是一物

崔豹不當合而言之蓋二蟲俱似機杼聲可以趣婦功故易紊亂孫炎郭璞陸機廣志所云皆非其類今莎雞之鳴乃止而振羽不待飛也一名馬蠶

按斯螽蟴之以股鳴者莎雞蟲之以翼鳴者蟋蟀蟲之以注鳴者迥然三物也朱子云一物隨時變化而異其名其誤起于程正叔而正叔之誤又起于崔正熊正熊混莎雞蟋蟀爲一正叔又混入斯螽可謂誤中之誤羅氏辨之精矣今時驗亦然

宇

韓詩云宇屋雷也○釋文云屋四垂爲宇○釋名云宇羽也如鳥羽翼自覆蔽也○繫辭云上棟下宇以待風雨

牀

釋名云牀裝也所以自裝載也長狹而卑曰榻小者獨坐○通俗文云牀三尺五曰榻板獨坐曰秤八尺曰牀○說文云牀身之安也杠牀前木也○方書云牀杠北

燕朝鮮謂之樹闕西秦晉謂之杠南楚謂之趙東齊海岱謂之樺其上板衛之北郊趙魏謂之牒或曰牒○廣雅云棲謂之牀○周禮玉府掌王之牀第○天文集云紫宮門外有天牀六星

向

士虞禮云祝啓牖嚮注嚮牖一名也○韓詩云北向牕也

嚮

毛詩義問云其樹高五六尺實大如李正赤食之甜○
疏云晉宮闕銘云華林園中有車下李三百一十四株
奠李一株車下李即鬱奠李即奠二者相類而同時熟

奠

本草云郁李一名爵李一名車下李一名棣生高山川
谷及丘陵上五月六月採根○陸璣云唐棣奠李也一
名雀梅亦曰車下李所在山皆有其華或赤或白五月
中成實大如李子可食○本草圖經云郁李木高五六

尺枝條葉花皆若李惟子小若櫻桃赤色而味甘酸核隨子熟六月採根并實取核中仁用

按萸一名郁李一名萸李一名萸萸一名燕萸一名棣一名爵李一名車下李廣雅謂之萸舌與鬱俱棣屬也故同得車下李之名陸璣以唐棣爲萸李非也而以爲實大如李則得之本草圖經謂郁李子如櫻桃則似說常棣非郁李也郁李雖棣屬然非爾雅所謂唐棣常棣也古之說者惟不知唐棣爲扶移木而

以爲萸又不知萸別是一種而以爲常棣故本草注
及詩緝諸說俱誤今由陸璣崔豹鄭樵及本草諸說
參詳之始知其別如此魏王花木志云燕萸實如龍
眼黑色說文謂之萸萸詩疏一名車鞅藤幽詩六月
食萸者此也廣志曰燕萸似梨早熟據此又非郁李
而二說亦相矛盾殆不足取證韓詩萸字又作藿是
爾雅所謂藿山韭者非毛詩之萸爾雅翼云山韭形
性與韭相類但根白葉如燈心苗

葵

李氏曰葵可茹公儀所拔是也○周禮醯人葵菹羸醢
○特牲記云鉶芼夏葵冬豈○齊民要術云今世葵有
紫莖白莖二種春必畦種水澆而冬種者有雪勿令從
風飛起每雪輒一勞之勞雪令地保澤葉又不蟲掐必
待露解收必待霜降傷晚則黃爛傷早則黑澀詩曰七
月烹葵及菽即此是也○本草云葵葉爲百菜主陶隱
居云以秋種葵覆養經冬至春作子謂之冬葵至滑利

春葵子亦滑葉尤冷利不可多食術家取此葵子微炒散著濕地遍踏之朝種暮生遠不過宿日華子云冬葵久服堅筋骨秋葵即是種早者○四民月令云正月可種葵四月可收冬葵子六月六日可收葵中伏可種乾葵○埤雅云左傳葵能衛足今葵心隨日光所轉輒低覆其根似智字說曰草也能揆日向焉故又訓揆

按爾雅云蒼莢葵即今之蜀葵也又云收蚍蜉即今之錦葵也又云茲葵繁露即本草之落葵也又云蒹

菟葵似葵而小葉者是也本草又有黃蜀葵龍葵皆
非此七月所烹之葵七月所烹者即今秋葵爾

菽

采菽箋云菽大豆也生民傳云荏菽戎菽也箋云戎菽
大豆也○物理論云菽者衆豆之總名○爾雅云戎菽
謂之荏菽孫炎曰大豆也○廣雅曰大豆菽也小豆荅
也踔豆豌豆溜豆也胡豆蜂蠆也豆角謂之莢其葉謂
之藿○春秋說題詞云菽者屬也春生秋熟理通體屬

也菽赤黑陰生陽大體應節小變象陽色也○援神契云赤土宜菽○呂氏云得時之菽長莖而短足其莢二十七以爲族多枝數節競葉蕃實大菽則圓小菽則搏以芳稱之重食之息以香如此者不蟲先時者必長以蔓浮葉疏節小莢不實後時者短莖疏節本虛不實○汜勝之書云三月榆莢雨時高田可種大豆保歲易爲宜古之所備凶年也大豆生戴甲而出種土不可厚厚則項折不能長達夏至後二十日尚可種小豆不保歲難

得宜堪黑時種○雅翼云羞籩之實餽餌粉餐皆稻米
黍米所爲以其黏著故擣粉熬大豆以爲表

按菽鄭氏常以大豆言之即生民之荏菽也釋草云
戎菽謂之荏菽孫炎云大豆諸家或以爲胡豆后稷
播種豈應近舍中國之種而遠種胡豆乎明孫說是
矣此詩言烹菽廣雅云葉謂之藿公食禮鉶芡牛藿
羊苦黍薇當是烹豆葉以爲羹耳

棗

爾雅云棗壺棗邊要棗齊白棗槭酸棗楊徹齊棗遵羊
棗洗大棗煮填棗蹶洩苦棗皆無實棗還味捻棗又云
棗李曰寔之○周禮饋食之籩其實棗○禮記婦人之
贄脯修棗栗又云棗曰新之又云棗栗飴蜜以甘之○
青史子云棗北方之草冬木也○本草云大棗味甘平
主心腹邪氣安中養脾助十二經平胃氣通九竅補少
氣少津液和百藥久服輕身長年八月採暴乾圖經云
棗極美者有水菱棗御棗之類○羅氏云棗有十一名

郭氏得九焉後世有紫棗玄棗西王母棗東海蒸棗洛陽夏白與夫雞心牛頭羊矢獼猴細腰其名不可勝載淮南子十一月棗棗取其赤心○埤雅云棘大者棗蓋若酸棗所謂棘也於文重束爲棗並束爲棘一曰棘實曰棗蓋棗性重喬棘則低矣故其制字如此詩曰八月剥棗剥擊也棗實未熟雖擊不落已熟則爛不擊自墮齊民要術所謂全赤即收收法撼而落之爲上是也且棗全赤即收故乾則紅皺復無烏鳥之費半赤而收者

肉未克滿乾復黃皺將赤味亦不佳故於全赤之時剥而落之世云噉棗令人齒黃齒居晉而黃食此故也

春酒

疏周禮清酒注云今之中山冬釀接夏而成者然則春酒即彼三酒之中清酒也

瓜

廣雅云冬瓜菰也水芝瓜也其子謂之瓢龍蹠虎掌羊骹兔頭桂支密筍瓠瓠瓠頭白瓢無餘縑瓜屬也○夏

小正云五月乃瓜乃者急瓜之辭也瓜也者始食也八月剥瓜蓄瓜之時也○禮記云爲天子削瓜者副之巾以絺爲國君華之巾以綌爲大夫累之士壺之庶人黻之又云瓜祭上環食中棄所操又云天子樹瓜華不斂藏之種也○本草瓜蒂七月採圖經云即甜瓜蒂也又有白瓜越瓜胡瓜○埤雅云瓜字象其實在鬚蔓之間性少延輒腐尤忌聞麝乃至一蒂不收

壺

傳云壺瓠也○埤雅云似匏而圓曰壺壺園器也故謂之壺亦曰壺盧古今注曰壺盧瓠之無柄者也性善浮要之可以涉水南人謂之要舟又可爲樽春秋傳曰樽以魯壺司尊彝曰秋嘗冬蒸饋獻用兩壺尊詩曰八月斷壺壺性蔓生披蔓斬之故曰斷也今其收法八月冷露降輒先斷其根令其餘蔓飲之已日乃收尤堅成可用

苴

喪服注云苴麻之有實者○疏云麻九月初熟拾取以供羹菜○本草經云麻子味甘平主補中益氣久服肥健不老○月令仲秋食麻與犬孟冬天子以犬嘗麻

樗

陸璣疏云樗樹及皮皆似漆青色其葉臭○本草圖經云椿樗二木相類但椿木實而葉香可噉樗木疎而氣臭膳夫亦能熬去其氣北人呼樗爲山椿江東呼爲虎目葉脫去有痕如樗蒲子又如眼目故得此名衍義云

世以無花不實木身大其幹端直者爲椿其有花而筴木身小幹多迂矮者爲樗○莊子云吾有大樹人謂之樗其大本臃腫而不中繩墨其小枝拳曲而不中規矩

農

周禮太宰以九職任萬民一曰三農生九穀○管子曰一農之量包百畝上農挾五中農挾四下農挾三○國語管仲云昔聖王處農就田野及寒擊藁除田以待時耕及耕深耕而疾耰之盡其四支之敏以從事於田野

少而習焉其心安焉是故農之子恒爲農其秀民之能爲士者必足賴也

場

孔仲達云種樹菜果謂之圃蹂踐禾稼謂之場故春夏爲圃秋冬爲場○周禮場人注場築地爲墠季秋除圃中爲之

重穠

說文種先種後熟也穠疾熟也穠或从麥○周禮內宰

上春詔王后生種稌之種鄭司農云先種後熟謂之種
後種先熟謂之稌玄謂詩云黍稷種稌是也賈公彥云
先鄭直云先種後種不見穀名後鄭意黍稷皆有種稌
又云舍人以歲時縣種稌之種以共王后之春獻種司
稼辨種稌之種

畫

說文云日之出入與夜爲界从畫省

絢

爾雅云絢絞李巡曰繩之絞也

百穀

物理論云梁者黍稷之總名稻者漑種之總名菽者衆豆之總名三穀各二十種爲六十種蔬果之實助穀各二十種爲百穀故詩曰播厥百穀者衆種之大名也○周禮太宰九穀注先鄭云黍稷秬稻麻大小豆大小麥後鄭謂無秣大麥有梁苽膳夫王食用六穀注云稌黍稷梁麥苽疾醫以五穀養其病注云麻黍稷麥豆職方

氏揚州荊州其穀宜稻豫州其穀宜五種注云黍稷菽
麥稻青州其穀宜稻麥兗州其穀宜四種注云黍稷稻
麥雍州其穀宜黍稷幽州其穀宜三種注云黍稷稻冀
州其穀宜黍稷并州其穀宜五種○月令五時食穀春
麥夏菽季夏稷秋麻冬黍孟秋農乃登穀內則牛宜稌
羊宜黍豕宜稷犬宜粱雁宜麥魚宜苽○漢食貨志五
種注麻金黍火稷土麥水豆木○大戴禮云食氣者神
明而壽食穀者智慧而巧○穀梁傳云一穀不升謂之

歉二穀不升謂之饑三穀不升謂之饉四穀不升謂之
康五穀不升謂之大侵○淮南子云汾水濛濁而宜麻
濟水通和而宜麥河水中濁而宜菽雒水輕利而宜禾
渭水多力而宜黍江水肥仁而宜稻

凌陰

周禮凌人正歲十有二月令斬冰三其凌春始治鑑夏
頒冰掌事秋刷

獻羔

月令仲春天子乃鮮羔開冰先薦寢廟注鮮當爲獻獻羔祭司寒也○左傳申豐云其藏冰也黑牡秬黍以享司寒獻羔而啓之杜預云二月春分獻羔祭韭開冰室服虔云司寒司陰之神玄冥也

韭

說文云一種而久者故謂之韭象形在一之上一地也○禮曰庶人春薦韭祭宗廟韭曰豐本內則豚春用韭○埤雅云齊民要術云韭高三寸便剪剪如葱法一歲

之中不過五剪凡剪不用日中韭性內生根喜上跳故種與葵同法而畦欲極深○雅翼云首春色黃未出土時最美故云春初早韭冬末晚菘夏小正曰正月園有韭○易稽覽圖云政道得則陰物變爲陽鄭注云若葱變爲韭○本草云韭辛溫歸心安五藏除胃中熱

饗

傳云饗者鄉人以狗大夫加以羔羊○箋云十月民事俱畢國君閒于政事而饗羣臣○月令孟冬大飮烝

注十月農功畢天子諸侯與羣臣飲酒於大學以正齒位謂之大飲別之於他其禮亡今天子以燕禮郡國以鄉飲酒禮代之燕謂有牲體為俎也

按傳所云饗者謂黨正因蜡飲酒黨正職云國索鬼神而祭祀以禮屬民而飲酒於序以正齒位一命齒于鄉里再命齒于父族三命不齒鄉飲酒經云尊兩壺于房戶之間有玄酒即此詩云朋酒也記云其牲狗即毛傳所據也鄉飲酒禮賓興賢能與黨正飲酒

不同毛據為說者以州黨鄉之屬也其有鄉大夫來觀禮或鄉之所居州黨鄉大夫親為主人則殺羔羊以饗之

公堂

大學互見大雅辟廱

傳云公堂學校也疏云謂黨之序學○周禮州長春秋以禮會民射于州序黨正以禮屬民飲酒于序○學記云古之教者家有塾黨有庠術有序國有學陳氏曰術當為州○鄭禮記注云庠鄉學也州黨曰序○孟子曰

殷曰序序者射也○禮書云鄉飲在庠庠有房室
鄉射在序序無房室爾雅云東西牆謂之序序之名
蓋本于此○疏云箋以公堂謂之太學○禮書云四
代之學虞則上庠下庠夏則東序西序商則右學左
學周則東膠虞庠而周又有辟廱成均瞽宗之名則
上庠東序右學東膠大學也故國老于之養焉下庠
西序左學虞庠小學也故庶老于之養焉記曰天子
設四學蓋周制也周之辟廱即成均東膠即東序瞽

宗即右學成均居中左東序右瞽宗此大學也虞庠
在國之西郊則小學也商之右學周謂之西學亦謂
之瞽宗夏之東序周謂之東膠亦謂之大學蓋夏學
上東下西商學上右下左周特存其上者耳諸侯之
學小學在內大學在外天子之學小學居外大學居
內

鵠鵠篇

鵠鵠

爾雅云鵯鵯鵯鵯郭璞曰鵯類○方言云桑飛自關而東謂之工爵或謂之果羸或謂之女匠謂之鵯鵯自關而西謂之桑飛或謂之鞭爵郭璞曰桑飛即鵯鵯也按爾雅云鵯鵯鵯鵯屬非此小雀明矣○陸疏云鵯鵯似黃雀而小其喙尖如錐取茅莠爲窠以麻紩之如刺襪然縣著樹枝或一房或二房幽州人謂之鵯鵯或曰巧婦或曰女匠關東謂之工雀或謂之過羸關西謂之桑飛或謂之襪雀或曰巧女○小豸傳云桃蟲鵯也鳥

之始小終大者箋云鷦之所爲鳥題肩也或曰鴉皆惡聲之鳥陸璣疏云今鷽鷽是也微小於黃雀其雛化而爲雕故俗語鷽鷽生雕○爾雅又曰桃蟲鷽其雌鷽郭璞曰鷽鷽桃雀也俗呼爲巧婦邢昺曰此鷽鷽小鳥而生雕鷽者也○張華鷽鷽賦云翳薈蒙籠是焉游集飛不飄颺翔不翕習巢林不過一枝每食不過數粒○朱傳云鷽鷽鷽鷽惡鳥攫鳥子而食者也○埤雅云先儒以爲鷽鷽即今巧婦郭注爾雅獨云鷽類則璞與先

儒異意以詩與爾雅考之宜如璞義蓋爾雅言鵙鵙鸛
鳩繼云狂茅鵙怪鵙梟鵙則鵙鵙宜亦鵙類賈誼所謂
鸞鳳伏竄鵙鵙翱翔是也鵙鵙一名隻狐鵙服鬼車之
類○爾雅云鵙鵙注今江東呼鵙鵙爲鵙欺亦謂之
鵙鵙又云怪鵙注即鵙鵙也見廣雅今江東通呼此屬
爲怪鳥○莊子云鵙鵙夜撮蚤察毫末晝出瞑目不見
丘山言殊性也○博物志云鵙鵙一名鵙鵙晝目無所
見夜則目至明人截爪甲棄露地此鳥夜至人家拾取

爪視之則知吉凶輒便鳴其家有殃○本草云鵲入城城空入宅宅空怪鳥也又有鵲鵲亦是其類微小而黃夜能拾人手爪知人吉凶○纂文曰鵲鵲夜能拾蚤虱蚤爪音相近俗人云拾人棄爪相吉凶妄說也○淮南萬畢術曰鵲鵲致鳥取鵲鵲折其大羽絆其兩足以爲媒張羅其旁則鳥聚矣○歐陽氏云今鵲多攫鳥子而食

按鵲鵲名鸛鵲巧婦亦名鸛鵲故先儒多誤以鵲鵲

爲巧婦其實鴟鴞是鴞類耳衛風流離之子此土梟也陳風有鴞萃止此爾雅之梟鴞也並非此鴟鴞朱傳以爲鴟鴞則又誤鴟鴞爾雅謂之鴟鴞又云怪鴟不得爲鴟鴞也若巧婦乃周頌之桃蟲耳據本草則鴟鴞鴟鴞又是二物及鄭氏云鴟鴞生題肩與鴞亦無所出難以管見定其然否韓詩說云鴟鴞鸛鵒鳥名也鴟鴞所以愛養其子者適以病之愛憐養其子者謂堅固其窠巢病之者謂不知託於大樹茂枝

反敷之葦蔕風至蔕折有子則死有卵則破是其病也與荀子所說蒙鳩同楊倞荀子注云蒙鳩鷦鷯也是韓嬰亦以鷦鷯爲巧婦也

桑土


方言云東齊謂根曰土○字林作馱桑皮也

茶

傳曰茶荈茗疏謂亂之秀穗也出其東門傳云茶茅秀然則茅亂之秀相類故皆名茶

口

易說卦云兌爲口○禮記云口容止○左傳口不道忠
信之言爲嚚○鬼谷子云口者機關也所以開閉情意
也又曰口可以食不可以言○養生經云軍營之有甘
泉軍營口也甘泉唾也○釋名口空也



六家詩名物疏卷三十

欽定四庫全書

經部

六家詩名物疏卷三十一

詳校官監察御史_臣沈孫璉

通政使司副使_臣莫瞻菴覆勘

總校官中書_臣朱 鈐

校對官助教_臣黃昌禔

謄錄監生_臣孫國鑑

欽定四庫全書

六家詩名物疏卷三十一

明 馮復京 撰

國風豳三

東山篇

東山

詩緝云三監在周之東周公自西徂東以征之軍屯必依山爲固故以東山言之○王伯厚云秦漢謂山東山西者皆指太行山東山即商地○孔氏曰金縢云周公

居東二年周公在東實出入三年

裳衣

箋云裳衣謂兵服也○周禮司服云凡兵事韋弁服注
韋弁以韎韋爲弁又以爲衣裳春秋傳曰晉郤克衣韎
韋之跗注是也今時五伯緹衣古兵服之遺色○襍問
志云韎韋之不注不讀如幅注屬也幅有屬者以淺赤
韋爲弁又以爲衣而素裳白舄也○賈公彥云鄭君兩
解此注裳亦用韎韋至彼襍問志裳用素者從白舄之

義○左傳均服振振注戎事上下同服疏云在兵之服皆韋弁

行

周禮云振旅如戰之陳辨鼓鐸鐃之用芟舍如振旅之陳辨號名之用治兵如振旅之陳辨旗物之用大閱陳車徒如戰之陳○周書曰春爲牝陳弓爲前行夏爲方陳戟爲前行季夏爲圓陳牙爲前行秋爲牡陳劍爲前行冬爲伏陳楯爲前行是爲五陳○左傳鄭伯爲魚

麗之陳先偏後伍伍承彌縫衛掾宋鄭翮願爲鸛其御
願爲鵠薦教爲宰軍行右轅左追蓐前茅慮無中權後
勁楚君之戎分爲二廣廣有二卒卒偏之兩魯哀公爲
支離之卒以侵衛○握奇經云四爲正四爲奇餘奇爲
握奇解云天地風雲爲四正龍虎鳥蛇爲四奇○六韜
云日月星辰斗柄一左一右一向一背此謂天陳丘陵
水泉亦有前後左右之列此謂地陳用車用馬用文用
武此謂人陳

枚

周禮大司馬中冬教大閱車徒皆作遂鼓行徒銜枚而進注云枚如箸銜之有繯結項中軍法止語爲相疑惑銜枚氏掌司囂國之大祭祀令禁無囂軍旅田役令銜枚

蠋

爾雅云蛭烏蠋郭云大蟲如指似蠶疏韓奕云倬革金厄毛亦云厄烏蠋也又云獨者蜀邢云言山中之孤獨

者名蜀此蟲更無羣匹○韓非子云蠶似蠋人見蠋則毛起○廣志云蠹蠋有五色者槐香蠋五采有角甚臭○埤雅云蠋以絲自裹○雅翼云蜀葵中蟲也亦食於藿蠶類而不食桑詩乃稱烝在桑野者葵藿之下亦桑野之地也蠶致養于人萬百爲族蜀則獨行故以比敦然獨宿者或作鳥名禽經曰蜀不獨宿不知何物

果羸之實

爾雅云果羸之實枯樓○孔疏引本草云枯樓如瓜葉

形兩兩相值蔓生青黑色六月華七月實如瓜瓣○本草經云枯樓根一名地樓一名果羸一名天瓜一名澤姑實名黃瓜主胃痺悅澤人面圖經云根亦名白藥皮黃肉白三四月内生苗引藤蔓葉如甜瓜葉作叉有細毛七月開花似葫蘆花淺黃色實在花下大如拳生青至九月熟赤黃色有正圓者有銳而長者

伊威

爾雅云蟠鼠負又云蚺威委黍注舊說鼠婦別名○說

文云委黍鼠婦也○陸璣云在壁根下甕底土中生似白魚○陶隱居云一名鼠負言鼠多在坎中背則負之又一名鼠婦○衍義云此濕生蟲也多足其色如蚓背有橫文蹙起大者長三四分水甕及下濕處多○埤雅云食之令人善淫○劉氏云壁落間小蟲無人掃則出行于室

蠨蛸

爾雅云蠨蛸長跼疏此小蠃螋長脚者俗呼爲喜子○

陸璣云一名長脚荊州河內人謂之喜母此蟲來著人衣有親客至有喜也幽州人謂之親客亦如蜘蛛爲羅網居之○崔豹云蠨蛸身小足長

町疃

傳云鹿跡也○說文云田踐處曰町疃禽獸所踐處也○程子云町疃廬傍畦隴○董氏曰區種法曰伊尹作爲區田一畝之中地長十八丈分十八丈作十五町町間分十四道通人行疃爲田里所聚

熠燿

爾雅云螢火即炤舍人云即夜飛有火蟲也○本草云螢火一名夜光一名放光一名熠燿一名即炤生階地池澤陶隱居曰此是腐草及爛竹根所化初猶未如蟲腹下已有光數日便變而能飛行義云螢常在大暑前後飛出是得大火之氣而化故如此明照也月令雖云腐草所化然非陰濕處終無○古今注云螢火一名耀夜一名景天一名熠燿一名丹良一名燐一名丹鳥一

名夜光一名宵燭腐草爲之食蚊蚋○陳思王螢火論云詩云熠燿宵行章句以爲鬼火或謂之燐未爲得也天陰沈數雨在於秋日螢火夜飛之時也故曰宵行然腐草木得濕而光亦有明驗衆說並爲螢火近得實矣○月令季夏之月腐草爲螢○夏小正曰八月丹鳥羞白鳥丹鳥者謂丹良也白鳥者謂蚊蚋也其謂之鳥也重其養者也有翼者爲鳥羞也者進也不盡食也○崇有論云螢無胃而有○埤雅云今西北多螢大者如棗

行而有光正曰宵行以此故也一說螢非熠燿熠燿行蟲耳今卑濕處有蟲如蠶蠅尾後載火行而有光俗謂之熠燿○董氏曰熠燿自是一種蟲夜行地上如蠶喉下明如螢故曰宵行○楊用修云螢火有二種梁蕭和賦云悅草螢之夜翔此草螢也唐李子卿有水螢賦此水螢也

按古今注螢火一名燐故毛公云熠燿燐也燐螢火也孔疏以燐爲鬼火而駁毛公非也本草明云螢火

一名熠燿而董陸二家復有異論然止云熠燿別一種蟲初未常以宵行爲蟲名也朱子始以宵行爲蟲名蓋以末章有熠燿其羽疑熠燿但爲明貌耳然蟲名可妄造乎楊用修云古人用字有虛有實熠燿之爲螢火實也熠燿爲倉庚之羽虛也如小雅交交桑扈有鶯其領此言桑扈之領如鶯之文非謂鶯即桑扈也彼謂倉庚之羽如熠燿之明非謂熠燿即倉庚也此說當矣

鸛

韓詩章句曰鸛水鳥巢居知風穴處知雨天將雨而蟻
出壅土鸛鳥見之長鳴而喜○陸璣疏云鸛鸛雀也似
鴻而大長頸赤喙白身黑尾翊樹上作窠大如車輪卵
如三升杯望見人按其子令伏徑舍去一名負釜一名
黑尻一名背竈一名皂裙又泥其巢一傍爲池含水滿
之取魚置池中稍稍以食其雛若殺其子則一村致旱
災○陶隱居云鸛有兩種似鵠而巢樹者爲白鸛黑色

曲頸者爲烏鸛○本草衍義云鸛頭無丹項無烏帶身如鸛者是兼不善唳但以喙相擊而鳴○禽經云鸛仰鳴則睛俯鳴則陰○博物志云鸛伏卵時數入水卵冷則不鰕取礬石周圍繞卵以助煖氣○自然論云鸛影接而懷卵○禊俎云江淮謂羣鸛旋飛爲鸛井鸛亦好羣飛人探巢取鸛子六十里旱能羣飛薄霄激雨雨爲之散○北夢瑣言云南方有鸛食蛇每遇巨石如道士禹步其石昉然而轉因得而噉

埴

疏云螳穴處將欲陰雨水泉上潤穴處者先知之避濕而上塚○釋蟲云虬蟬大螳小者螳螳打螳螳飛螳其子蚘○記蛾子時術之○方言埴封場也楚郢以南蟻土謂之埴埴中齊語也○埤雅云蟻將雨則出而壅土成峯方言曰其場謂之坻亦或謂之埴埴從至以螳之微而能爲埴用其至故也今蟻取小蟲入穴輒壞埴窒穴蓋防其逸亦以窒雨一名蟻封朔地蟻封大有如冢

者所謂蟻冢蓋出於此○易林震之蹇曰蟻封戶穴大雨將集

皇

爾雅云黃白驤疏曰馬有黃處有白處者曰驤

駸

爾雅云駸白駸孫炎曰駸赤色也邢昺曰謂馬有駸處有白處者曰駸○易說卦云乾爲駸馬○禮斗威儀云君乘火而王南海輸駸馬○埤雅徐鉉曰疑象駸文晉

侯乘駁乳虎見之而伏則象駁之文理或然也駁亦馬之上色故古者國君乘之

縞

爾雅云婦人之褱謂之縞縞綏也孫炎曰褱帨巾也郭璞曰即今之香纓也褱邪交絡帶繫於體因名爲褱綏繫也此女子既嫁之所著示繫屬於人義見禮記詩云親結其縞謂母送女重結其所繫著以申戒之說者以褱爲帨巾失之○韓詩注云縞帶也○孔疏云按昏禮

言結帨此言結縞則縞當是帨非香纓○廣雅云大巾
幃○昏禮記曰父送女命之曰戒之敬之夙夜毋違命
母施衿結帨曰勉之敬之夙夜毋違宮事庶母及門內
施鞶申之以父母之命命之曰敬恭聽宗爾父母之言
夙夜無愆視諸衿鞶

破斧篇

四國

傳云四國管蔡商奄也○書蔡仲之命云惟周公位冢

宰羣叔流言乃致辟管叔于商囚蔡叔于郭鄰以車七
乘降霍叔于庶人三年不齒書序云成王東伐淮夷遂
踐奄作成王政成王既踐奄將遷其君于蒲姑周公告
召公作將蒲姑○杜預云樂安博昌北有蒲姑城奄闕
不知所在鄭云奄蓋在淮夷之地亦未能詳成王先伐
淮夷遂滅奄奄似遠于淮夷也○作雒解云武王克殷
乃立王子祿父俾守商祀建管叔于東建蔡叔霍叔于
殷俾監殷臣武王崩周公立相天子三叔及殷東徐奄

及熊盈以叛二年乃作師旅臨衛攻殷殷大震潰降辟
三叔王子祿父北奔管叔經而卒乃囚蔡叔于郭淩凡
所征熊盈族十有七國俘維九邑俾康叔宇于殷俾中
旄父宇于東○書傳云管蔡流言奄君薄姑謂祿父曰
成王幼周公見疑矣此百世之時也請舉事然後祿父
及三監畔○左傳周有徐奄注二國嬴姓

按管今河南開封府鄭州蔡今河南汝寧府上蔡縣
霍今山西平陽府霍州商謂公子祿父都紂故都朝

歌故城在今大名府濬縣奄地未詳所在左傳云蒲姑商奄吾東土也又云魯公因商奄之民則奄是東方之國近魯之地也括地志兗州府曲阜縣奄至即奄國之地疑此即杜氏所謂迸散在魯者其後故得奄名非奄之初封在曲阜也書序稱成王踐奄則四國流言之日周公但討而定之未嘗滅其國至歸政後成王始滅之而徙其君耳孟子云周公相武王誅紂伐奄則周公凡兩次伐奄猶未能蕩平蓋奄本忠

于商爲周家反覆之臣也

錡

傳曰鑿屬曰錡○韓詩云木屬

鉋

傳曰木屬曰鉋○韓詩云鑿屬也一解云今之獨頭斧

伐柯篇

柯

考工記車人云柯長三尺博三寸厚一寸有半五分其

長以其一爲之首注云首六寸謂關頭斧也柯其柄也
又云半矩謂之宣一宣有半謂之櫪一櫪有半謂之柯
一柯有半謂之磬折

籩

爾雅云竹豆謂之籩○鄭注云籩竹器如豆者其實皆
容四升○周禮籩人掌四籩之實朝事之籩其實麴糗
白黑形鹽膾鮑魚鱠饋食之籩其實棗栗桃乾榛實
加籩之實菱芡栗脯菱芡栗脯羞籩之實糗餌粉飧凡

祭祀共其籩薦羞之實喪事及賓客之事共其薦籩羞
籩九嬪凡祭祀贊后薦徹豆籩內宗掌宗廟之祭祀薦
加豆籩外宗掌宗廟之祭祀佐王后薦玉豆眡豆籩掌
客凡諸侯之禮夫人致禮八籩侯伯夫人致禮八籩子
男夫人致禮六籩○禮記鼎俎奇而籩豆偶陰陽之義
也籩豆之實水土之品也又云薦用雕簋○禮書士喪
特牲籩有巾則簋敦豆有巾可知魯用彫簋士喪禮籩
無滕則士大夫吉祭之籩有滕無彫可知○儀禮圖云

士冠脯醢脯用籩醢用豆士昏醴賓脯醢鄉飲脯醢衆
賓辯有脯醢鄉射薦用籩脯五臠醢以豆聘禮醴賓脯
醢又延几于室薦脯醢燕禮大射禮獻賓獻公獻卿薦
脯醢士喪始死奠脯醢小斂朝夕奠脯醢特牲主人獻
賓薦脯醢以上皆一豆一籩士冠再醮兩豆葵菹羸醢
兩籩栗脯大斂髡豆兩籩無膝士虞及獻祝特牲及主
婦致爵於主人以上皆兩豆兩籩既夕遣奠少牢賓尸
皆四豆四籩士昏禮夫婦席婦饋舅姑聘禮歸饗公食

大夫士喪朔月奠皆有豆無籩蓋豆重而籩輕

豆

爾雅云木豆謂之豆○周禮醢人掌四豆之實朝事之
豆其實韭菹醯醢昌本麋藟菁菹鹿藟茆菹麋藟饋食
之豆其實葵菹羸醢脾析麋醢蜃蜺醢豚拍魚醢加豆
之實芹菹兔醢深蒲醢醢苴菹雁醢筍菹魚醢羞豆之
實醢食糝食凡祭祀共薦羞之豆實賓客喪紀亦如之
掌客凡諸侯之禮豆四十夫人致禮八豆侯伯三十有

一夫人致禮八豆子男豆二十有四夫人致禮六豆○
禮器云禮有以多爲貴者天子之豆二十有六諸公十
有六諸侯十有二上大夫八下大夫六有以少爲貴者
諸侯相朝無籩豆之薦明堂位云薦用玉豆又云夏后
氏以楬豆殷玉豆周獻豆注云楬無異物之飾也獻疏
刻之祭統云君執鸞刀羞濟夫人薦豆又云夫人薦豆
執校執醴授之執鐙尸酢夫人執柄夫人受尸執足注
校豆中央直者也鐙豆下跗鄉飲酒六十者三豆七十

者四豆八十者五豆九十者六豆所以明養老也○聘禮有司堂上八豆西夾六豆公食大夫六豆上大夫八豆士昏四豆士喪饔豆兩既夕四豆士虞四豆特牲兩豆少牢四豆有司徹四豆考工記旒人爲豆實三而成轂崇尺器中膊豆中縣○三禮圖云豆以木受四升高尺二寸漆赤中大夫以上畫以雲氣諸侯加象飾口天子玉飾○邢氏云豆高一尺口足徑一尺校徑二寸○楚茨傳云豆謂內羞庶羞也

九罭篇

九罭

爾雅云緩罭謂之九罭九罭魚網也孫炎曰九罭魚之所入有九囊也郭璞曰今之百囊罭亦謂之罭今江東謂之緩○疏云緩促細目能得小魚○韓詩說云九罭取鰕䱃也

鰕

爾雅云鰕鰕注鰕子赤眼○陸璣云鰕似鰕魚而鱗細

于鰾赤眼多細文○埤雅云鰾魚圓魴魚方鰾好獨行
○雅翼云鰾目中赤色一道橫貫瞳魚之美者今俗謂
之赤眼食螺蚌多祇獨行亦有兩三頭同行者極難取
見網輒遁

袞衣

尚書云予欲觀古人之象日月星辰山龍華蟲作會宗
彝藻火粉米黼黻絺繡以五采彰施于五色作服孔安
國曰日月星爲三辰華象章華蟲雉也畫三辰山龍華

蟲于衣服旌旗會五采也以五采成此畫宗廟彝樽亦以山龍華蟲爲飾藻水草有文者火爲火字粉若粟米米若聚米黼若斧形黻爲兩已相背葛之精者曰絺五色備曰繡天子服日月而下諸侯自龍袞而下至黼黻士服藻火大夫加粉米上得兼下下不得僭上○周禮司服王之吉服享先王則袞冕享先公饗射則鷩冕祀四望山川則毳冕祭社稷五祀則希冕祭羣小祀則玄冕公之服自袞冕而下如王之服侯伯之服自鷩冕而

下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服注袞卷龍衣也古天子冕服十二章至周以日月星辰畫于旌旗而冕服九章登龍于山登火于宗彝尊其神明也九章一龍二山三華蟲四火五宗彝皆畫以爲績六藻七粉米八黼九黻皆紵以爲繡袞之衣五章裳四章凡九也鷩畫以雉謂華蟲也其衣三章裳四章凡七毳畫虎雉謂宗彝也其衣三章裳二章凡五

希刺粉米無畫其衣一章裳二章凡三玄者衣無文裳
刺黻而已是以謂玄焉凡冕服皆玄衣纁裳自公之袞
冕至卿大夫之玄冕皆其朝聘天子及助祭之服諸侯
非二王後其餘皆玄冕而祭于已賈公彥曰古人爲日
月星辰于衣取其明也山取爲人所仰龍取能變化華
蟲取文理衣是陽陽至輕浮畫亦輕浮故衣繪也宗彝
者彝尊有虎彝雉彝因號虎雉爲宗彝并爲一章虎取
其嚴猛雉取其有智以其印鼻長尾大雨則懸于樹以

尾塞鼻是其智也藻取有文火取其明粉米共爲一章取其潔亦取養人黼謂白黑爲形則斧文近刃白近上黑取斷割焉黻黑與青爲形兩已相背取臣民背惡向善亦取君臣有合離之義希繡鄭讀希爲黼黼紩也裳主陰刺是沈深之義故裳刺也○考工記云白與黑謂之黼黑與青謂之黻五采備謂之繡土以黃其象方天時變火以圜山以章水以龍鳥獸蛇襍四時五色之位以章之謂之巧○釋文云袞六冕之第二者也畫爲九

章天子畫升龍于衣上公但畫降龍

按衮者卷也言龍首卷然以衮爲名據先儒之說謂
虞有十二章周制惟九章孔安國所謂十二章者日
也月也星辰也山也龍也華蟲也皆畫于衣藻也火
也粉也米也黼也黻也皆刺于裳鄭氏所謂九章者
除日月星加宗彝以華蟲爲一粉米爲一鄭氏差次
冕服之等則以黼黻最下孔氏則裳重黼黻粉米次
之藻火又次之說者謂衣在上爲陽故所尊在先裳

在下爲陰故所重在後而所云士服藻火大夫加粉米則皆刺在裳而衣上無文矣古禮湮亡莫得而辨然天之大數不過十二王者制作皆以十二象天使天子于上公其衣但有升龍降龍之異恐非所以示上下之別或者以龍德爲重故衣以袞名其實周亦十二章郊特牲云祭之日王被袞冕以象天也龍章而設日月以象天也鄭君云設日月畫于衣服旌旗據此文則袞冕之文亦畫日月鄭又謂之魯禮要其

文稱王被服袞冕非魯事也鄭注弁師云袞衣之冕
十二旒鷩衣之冕九旒毳衣之冕七旒希衣之冕五
旒玄衣之冕三旒即以旒數爲章數何不可哉顧氏
說書則分華蟲爲二云華取文章雉取耿介是衣有
十三章而其說不得通矣

狼跋篇

胡

疏云老狼頷垂胡 說文云胡牛頤垂也 釋名胡互

也在咽下垂能斂互物

赤舄

周禮屨人掌王及后之服屨爲赤舄黑舄注云複下曰舄單下曰屨凡屨舄各象裳色王吉服有九舄有三等赤舄爲上冕服之舄諸侯與王同下有白舄黑舄王后吉服六惟祭服有舄玄舄爲上禕衣之舄也下有青舄赤舄鞠衣以下皆屨耳舄飾如績之次赤纁者王黑舄之飾黃纁者王后玄舄之飾青紃者王白舄之飾言纁

必有紃純言紃亦有纁純三者相將王及后之赤舄皆黑飾后之青舄白飾紃謂之拘著舄屨之頭以爲行戒纁縫中紃純緣也天子諸侯吉事皆舄其餘惟服冕衣翟著舄耳○賈公彥曰纁者牙底相接之縫綴條于其中紃謂屨頭狀如刀衣以條爲鼻或謂用繒一寸屈之爲紃所以受繫穿貫者也純以爲口緣也○釋名云複其下曰舄舄腊也行禮久立地或泥濕故複其末下使乾腊也○方言曰屨中有木者謂之複舄



六家詩名物疏卷三十一